

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходитъ двараз въ мѣсяцъ
каждого 1-го и 15-го.

АДРЕС:
Редакції: Kapitulska ulica 10.
Администрації:
Užhorod, Duchnovičova č. 12.

ПРЕДПЛАТА:
на рок 12.— К
одно число 1.— К
За границю 20.— К
До Америки..... 1 Д.

ОБЯВЛЕНИЯ
принимаются по цѣнѣ
за 1 сторону .. 200 К
за 1/2 стороны .. 120 К
за 1/4 стороны.. 65 К

Позоръ на огень!

Пана губернатора познаеме уже изъ давнѣйшихъ часовъ. Онъ бывъ посломъ мадярского парламента тогда, коли жидовско-мадяре найсильнѣйшѣ напады направляли противъ христіянской вѣры; панъ губернаторъ тогда облекся въ оружіе вѣроборца и голосно, смѣло и отверто защищавъ якъ членъ христіянской-народной-католицкой партіи христіянску католицку вѣру.

Мы Русины мали щастя его и меже собою видѣти; появився онъ межъ нами подкрѣпляти кандидатуру посла хр.-католицкой партіи барона Кааса противъ Гулачія. И мы всѣ дуже радовались, что найдеся и меже цивилами, кто не стыдається вѣры хлопской и спѣшить еѣ на помочь, коли умножилися еѣ вороги.

Пришовъ до насъ пан губернаторъ 2-го юлія сего рока и по другій разъ. Айбо теперь уже изверъ обличie вѣроборца и показався въ цѣльковитой своей наготѣ. Явно и отверто говоривъ людямъ, что по его мнѣнію такъ бы треба полагодити церковный споръ, что где большенство шизматиковъ, тамъ церковь перейде на руки шизматиковъ а для греко-каѳоликовъ най буде держава церковъ.

Сими словами и симъ поведеніемъ п. губернаторъ ставъ ширительомъ схизмы и нарушителемъ Божіихъ и свѣтскихъ законовъ. Симъ поведеніемъ п. губернаторъ явно выступивъ противъ всего гр. каѳ. руського народа, выступивъ противъ нашихъ святыхъ правъ и выставивъ поруганію нашу пятьлѣтну тяжку борьбу,

иаши горькѣ слезы и за вѣру святу проліянну нашу кровь. На околицѣ Иршавы уже майже утихла религійна борьба, но пришествіемъ губернатора зновъ оживъ схизматицкій терроръ, зновъ загорѣла межиусобиця меже русинами и обновляються дикѣ насильствія, противъ греко-каѳоликовъ.

Се есть одинокій плодъ вашего благодатного дѣйствованія на Подкарпатской Руси пане губернаторе! Схизматики по сему на васъ будуть зрести съ великимъ довѣріемъ, якъ жиды на Мойселя, что вы ихъ заведете въ шизматицкій (большевицкій) рай, где не е закона, не е права, лишъ большенство и „святое православіе“. А мы греко-каѳолики русины, вѣрнѣ сыны нашихъ отцовъ и дѣдовъ, дякуеме вамъ, что указалисте намъ и вашое схизматицко лице, теперь уже будеме знати якій вы „добрый греко-каѳолик“ (чимъ ся хвалите передъ нашими священниками) и что нашъ первый урядникъ тот, кто запалює огень роздора и дає смѣлость дальшимъ схизматицкимъ насильствіямъ.

Торжественно заявляеме, что мудрый „проектъ“ пана губернатора лишь порожній воздухъ. На его мудrosti ни правительство, ни министерія не дае ничъ; то народився въ его хитрой головѣ, чтобы съ помочію схизматиковъ задержатися на якійсь часть въ губернаторскомъ креслѣ. Законъ закономъ зостане, а право правомъ, хотя якій мудрецъ буде сидѣти на высокомъ престолѣ губернатора. Наша справа свята, наша борьба похвальна — еѣ знищити не може хоть и такій мудрый проектъ, якій оголошує господинъ губернаторъ!!!

Айбо скажѣть пане губернаторе, якъ вы можете соглашовати вашъ схизматицкій проектъ съ вашою гр.-кат. вѣрою? Не боитесь, что за „подпераніе ереси“ выключенѣ будете изъ лона гр.-каѳ. Церкви?! Ци не буде то ганьба на цѣлой Европѣ, что губернатора Подкарпатской Руси „за подpirаніе ереси“ выключили изъ Церкви Христовой? Сего хотите вы дочекатися на вашу старость съ вашими мудрыми проектами!? Та позоръ пане губернаторе, и не бавтесь съ огнемъ, бо легко можете попечися...



Наука о вѣрѣ.

§ 11. Христосъ Бого-чоловѣкъ.

1. Понеже беяконечное удовлетвореніе чоловѣкъ за Богу здѣлану обиду не могъ дати, зато Откупитель рода людскаго мавъ быти лише *Богъ*; но понеже Богъ за нась якъ Богъ не може терпѣти, за то той Откупитель мавъ быти разомъ и *чоловѣкъ*. Т. е. така особа, котра въ собѣ соединяе и Божу и людску натуру.

Друга въ Тройцѣ святой особа, Сынъ Божій взявши на себе святу задачу откупленія рода людскаго, въ чревѣ Пречистой Дѣвы Маріи силою Духа святого принялъ людску душу и тѣло т. е. *вочоловѣчився*. Сынъ Божій стався *чоловѣкомъ* намъ зовсѣмъ подобнымъ (кромѣ грѣха), але ровночасно зоставъ и *вѣчнымъ Богомъ*.

Воплощеніе Сына Божаго списано въ св. Евангелію сякъ: „*Посланъ бысть Ангелъ Гавріилъ отъ Бога въ градъ Галилейскій, ємъже имѧ Назаретъ къ дѣвѣ обрѣченїй мажени, ємъже имѧ Іосифъ отъ дома Давидова и имѧ Дѣвѣ Маріамъ. И вшедъ къ ней Ангелъ рече: радуйся благодатнаѧ, Господь съ тобою, благословенна ты въ женахъ . . . и се зачнеши во чревѣ и родиши сына и наречеши имѧ ємѹ Іисѹсъ . . . Рече же Маріамъ ко Ангелу: како будетъ сіе, идѣже мѣжа не знаю. И отвѣтша въ Ангелъ рече ей: Духъ святый найдетъ на та и сила Вышнаго освѣнитъ та, тѣмже и рождаемое свято наречется Сынъ Божій*“.

Въ св. Литургіи св. Мати Церковь спѣвае: „*Единородный Сынъ и Слуга Божій, безсмертенъ сый и изволивый спасенія нашіго ради воплотишися отъ святыхъ Богородицы и приснодѣви Маріи, непреложно вочеловѣчинъ сѧ, распіный сѧ же Христе Боже смертю смерть поправый. единъ сый святыхъ Твойцы спрославляемый Отцъ и скатомъ Духъ, спаси наса*“.

По воплощенію Сына Божаго въ одной божественной особѣ Іисуса Христа находилися двѣ натуры; одна Божа и одна чоло-

чѣча, т. е. Іисусъ Христосъ бывъ истиннымъ Богомъ и разомъ правдивымъ чоловѣкомъ.

2. Что Христосъ бывъ истиннымъ Богомъ, то явно такъ изъ его словъ, якъ изъ его дѣлъ. Онъ себе не разъ Сыномъ Божімъ называвъ (Мѳ. 26. 64. Мк. 14. 62.), або прямо Богомъ. „**Ізъ и Отецъ єдино есма**“ (Іо. 10. 30.). Сесѣ слова доказавъ чудесами, на которыхъ, якъ на доказы своего Божества откликуєся: „**Бы глаголите, яко хълѹ глаголеши, занерѣхъ: Сынъ Божій єсмь . . . аще н мнѣ не вѣрите, дѣломъ моимъ вѣрите.**“ (Іо. 10. 37. 38.). Чудесами своими Христосъ доказавъ, что онъ есть Господомъ всей природы, житя и смерти и має власть и надъ нечистимъ духомъ. Изъ ясѣхъ чудесъ наибольшое есть его *воскресеніе* изъ мертвыхъ. Божество его свѣдчать и слова *Отца* небесного; „**Сей есть Сынъ мой возлюбленный**“ (Мѳ. 3, 17; 17, 5.). Богомъ считали его и *апостолы* и *прочие люде*. Св. Петро явно исповѣдавъ его: „**Ты еси Христосъ Сынъ Бога живого**“ (Мѳ. 16. 16.). Жиды же говорили: „**О добрѣ дѣлѣ каменіе не лещемъ на тѣ, но о хълѹ, яко ты чловѣкъ сый, твориши себѣ Бога**“. (Іо. 10, 33.).

Божество Христа свѣдчать *святость его живота* и чудесна краса его *науки*. Христосъ высоко стоить надъ всѣми людьми взглядомъ совершенства. Онъ и только онъ могъ поставить такій вопросъ: „**Кто отъ васъ обличаетъ мя о грѣскѣ?**“ (Іо. 8, 46.). Пилатъ офиціально констатує, что: „**Никоє іаже обрѣтаю вину въ чловѣцѣ семъ**“. (Л. 23, 5.). И Юда съ горькимъ признаніемъ вздыхає: „**Сохрѣшихъ, предавъ кровь невиннію**“ (Мѳ. 27, 4.). Въ немъ находяться не только одинокъ чесноты, но всѣ чесноты въ чудесномъ единствѣ и гармонії. Его сердце крозь исповненное горячою *любовію* къ Богу, къ людямъ, къ бѣднымъ и грѣшникамъ. Его мудрость легко побѣждає всѣ хитрости гробивниковъ и удивляє людей, что мусять признati: „**Николи не глагола такъ чловѣкъ**“. Характеръ Іисуса Христа мавъ таку притягаючу силу, что апостолы на его одно слово ступили въ его службу и люде товпами горнулися на то мѣсто где онъ перебывавъ, або проповѣдавъ.

3. Христосъ бывъ и правдивымъ чоловѣкомъ. Се свѣдчать тоты мѣста Евангелія, где Христу приписанъ цѣлкомъ людскѣ дѣланя, якъ на пр.: народився, выховався, щвъ, ходивъ, утомився, радовався, тѣшився, плакавъ, умеръ и т. д.

4. Въ Іисусѣ Христѣ обѣ натуры въ *одной божественной особѣ* соединилися. Не два Христи были, только оденъ, оденъ Христосъ народився, оденъ творив чудеса, оденъ умеръ на крестѣ и оденъ воскресъ. Въ *одной божественной особѣ* ненарушимо и нероздѣлимо соединилися двѣ натуры: Божественна и чоловѣча.

Се днесъ вже не потребує доказовъ, но въ IV-омъ столѣтію было предметомъ горячихъ споровъ. На ефескомъ соборѣ 431. св. Мати Церковь противъ Несторія опредѣлила, что въ Христѣ только одна особа есть т. е. Божа и что Пречиста Дѣва Марія съ правомъ именуєся Богородицею.

Іисусъ Христосъ — понеже его человѣчество отъ его божества не можно розлучити и теперь въ своей небесной славѣ съ своимъ человѣчествомъ „сидитъ одесною Отца“; такъ есть притомный и въ св. Евхаристії.

5. Понеже Христосъ есть только одною особою, и почитаніе относиться къ особѣ, мы коли его умоляеме не выключаеме и почитаніе его человѣчества. Съ божествомъ и человѣчествомъ умоляеме его особу въ Царствѣ небесномъ такъ, якъ на земли въ св. Евхаристії. Его тѣло, его кровь, его раны; его сердце також можуть быти предметами нашего почитанія и умолненія, бо и они належать до Божественной особы Христа.

Почитаніе св. сердца Іисусового головно отъ XVII-го столѣтія есть любимою побожностію каѳолицкой Церви. Самъ Господь Христосъ препоручивъ се въ откровеніяхъ данныхъ одной монахинѣ бл. Маргаретѣ Алакокъ г. 1673, 1674 и 1675.

Сердце Іисуса Христа представляє намъ ту же безмѣрну любовь съ которой Христость ажъ до послѣдной капли крови любивъ насъ и жертвовавъ себе на крестѣ за наше спасеніе.

Первенство св. Петра и его наслѣдниковъ на основѣ нашихъ церковныхъ книгъ.

Написалъ Д-ръ Діонисій Нярадій епископъ Крижовацкій и апостолскій администраторъ Пряшевской епархіи.

I.

Посмотрѣмъ теперь, и добре порозумѣмъ: что намъ говорять наши церковнѣ книги о наслѣдникахъ святого Петра — о архіереяхъ римскихъ?

1. Концемъ первого столѣтія былъ въ Римѣ епископомъ св. Климентъ. Его память празднуе наша св. Церковь 25-го новембра. У богослуженіяхъ сего дня читаеме:

что; Климентъ былъ ученикомъ Верховного Петра;

что онъ просвѣтилъ зарями догматовъ своихъ вселенную — Западъ и Востокъ;

что проповѣданіе его божественныхъ опредѣленій разширилося по всѣхъ сторонахъ свѣта;

Климентъ засяялъ своюю наукою якъ солнце цѣлому свѣту, ростолковаль всѣмъ законы Божіи;

якъ законодатель выполнилъ исполненіе церкви;

съ своими науками всѣхъ припровадилъ къ правой вѣрѣ; отъ Христа пріяль власть вязати и розрѣшати;

Церковь почитуе его божественнѣ законы.

Але чтобы декотримъ не выглядало, что то лишь о святомъ Климентѣ такъ ясно свѣдчать церковнѣ книги, что онъ ученикъ Верховного Петра и что мае власть просвѣщати своими догматами Церковь цѣлого свѣта, для цѣлой Церкви выдавати законы и то всьо по опредѣленю Христа Господа, послухайте дальше, что говорять наши церковнѣ книги о епископахъ Римскихъ слѣдуючихъ столѣтій.

2. Четвертое столѣтіе. Церковь Христова достала свободу за императора Константина Великого. Константинъ перенесъ царскій престолъ изъ Риму до Константинополя. Въ томъ-часѣ въ Римѣ былъ епископомъ св. Силвестръ, котрого память празднуемъ на 2. януарія. Року 325. былъ отримований першій екуменскій соборъ въ Никеѣ. На семъ соборѣ собрало-ся 318 епископовъ. Были тамъ епископы, котрѣ много терпѣли за св. вѣру и на тѣлѣ еще раны носили. Тамъ былъ и св. Николай. А что сталося? Кто предсѣдалъ на семъ соборѣ? Епископъ Римскій, св. Силвестръ и то не самъ особно, але черезъ своихъ заступниковъ. О томъ Силвестру такъ читаеме въ Минѣ выданой въ Москвѣ 1705. року:

что Силвестръ показался столпомъ огненнымъ, котрый предсѣдалъ св. собору и провадилъ его;

св. Силвестръ лучами своей науки просвѣтилъ вселенную; бесѣда его медоточныхъ устъ повсюди ся розширила; а сіяніе его науки облистало край цѣлого свѣта;

Силвестръ показался верховникомъ св. собора и украсиль Престолъ Верховнаго апостоловъ;

отъ Бога поставленый якъ Верховный св. отцовъ утвердилъ св. науку, а уста еретиковъ (Аріановъ) заперь и т. д.

Іависѧ столпъ Огненъ, склащеннѡ предводѧ сващеный соборъ Іи оученій своихъ стрѣлами всю землю напеи, глаголъ єгѡ медоточнихъ вѣщаніе въ всаческаѧ Ізыде, Іи оученіе въ концы всемъ вселеннымъ сіяніе Облиста; Верховникъ іависѧ сващеннагѡ Собора, и Верховнагѡ престолъ обукраси; Божественый Верховникъ сващенныхъ Отцевъ сващенное оученіе оутверди, Еретикомъ оуста загради... и т. д.

Кто може днесь лѣпше говорити о первенствѣ Римскаго епископа, о его власти надъ цѣлою Церковю и о его непохібности въ рѣчахъ вѣры и благочестія?

Але идѣмъ еще дальше.

3. Пятое столѣтіе. Въ пятомъ столѣтіи сидѣлъ на престолѣ св. Петра папа св. Левъ. Его память празднуемъ каждого року на 18. фебруара.

У богослуженіяхъ того дня читаеме о Папѣ Льву:

„Ты глава ортодоксной — правовѣрной Церкви Христовой;

„Ты твердый фундаментъ Церкви;

„Ты старожицна верховного Собора (глянь Мѣсяцословъ 1924. року).

„Ты Петра Верховнаго Престола наслѣдникъ, котрый маєть его природу и ревность;

„Ты столпъ правовѣрія Христової Церкви;

„Ты побѣдитель всѣхъ богомърскихъ ересей;

„Ты Петра честный наслѣдникъ, котрый обогатѣлъ съ его начальствомъ .. и т. д. и т. д.

Якъ знаеме уже съ минувшого року Папа Левъ былъ предсѣдателемъ екуменскаго собору въ Калцедонѣ черезъ своихъ за-

ступниковъ. Больше якъ 600 епископовъ, коли перечитали посланіе Папы Льва, одноголосно говорили:

„То вѣра св. отцовъ, то вѣра апостоловъ. Мы всѣ такъ вѣриме... Св. Петро говорилъ черезъ уста папы Льва“.

Послухайте, что говорять наши церковнѣ книги о епископахъ Римскихъ, котрѣ жили въ *шестомъ столѣтію*.

4. Въ шестомъ столѣтію управлявъ Церквою *Папа св. Агапитъ*. Его праздникъ церковъ наша празднує на 17. априля.

О томъ архіерею Римскомъ читаеме въ церковныхъ книгахъ: что онъ судиль патріарха Константинопольского Антиму и задля его кривой науки одгналь его съ патріаршеского престола... На его мѣсто поставилъ Мину.

5. Въ *осмомъ столѣтію* управлялъ Церквою Папа *Григорій Двоесловъ*. У Минеѣ на 12. марта читаеме о немъ:

„Богъ Теке постакилъ керхокнымъ епископомъ ской св. Церкви и наслѣдникомъ Петра, керховнаго Апостола.

Отъ сего напы Григорія маєме и мы и схизматики упорядковану літургію Преждеосвященихъ Даровъ.

6. Загляньмо еще и до *девятого столѣтія* и добре послухайме свѣдоптва о первенству епископа Римского, якъ нам дає св. *Теодоръ Студита* († 826).

О семъ святомъ читаеме а Минеѣ на 11. новембра слѣдуюче:

„Ты поборникъ побожности, рѣкный благовѣстникъ правды, столпъ и твердиня правовѣрія.“

А теперъ послухайме, что учить сей „благовѣстникъ правды, столпъ и твердиня правовѣрія“ о св. Петрови и его наслѣдникамъ на престолѣ Римскомъ?

Дорогѣ читателѣ!

Добре собѣ перечитайте науку св. Теодора Студити, ботой чоловѣкъ:

а) жилъ въ томъ столѣтію, коли нае мникъ Фотій започалъ роздирати Церковь Христову;

б) онъ быль не лишенъ чоловѣкомъ святымъ и ученымъ, але можно сказать найученѣшимъ въ своимъ часѣ. Для того и опредѣлено было, якъ пише Тріодъ и Типикъ Московскій, дѣла св. Теодора Студити читати по всѣхъ монастыряхъ на концу Литії. Задля почести до св. Теодора читати мусиль самъ игуменъ;

в) св. Теодоръ быль учителемъ св. Кирилла и Меѳодія. Онъ обновилъ житіе духовное по всѣхъ монастыряхъ своего часу;

в) св. Теодоръ провадиль на Востоцѣ партію, котра ишла стопами св. Отцовъ и твердо трималася разомъ съ Римскою Церковію.

Въ Константинополѣ уже отъ давнѣйшихъ часовъ сами цѣсарѣ приготовляли собѣ таку партію, котра бы не слухала

Папу але ихъ. Та партія позднѣйше подвигнула на престоль патріяршескій наемника Фотія, котрий започаль роздирати „нешиту одѣжь Христову“ — св. Церковь.

Послухайте теперъ, что учитъ св. Теодоръ о Римскихъ Архіереяхъ.

а) Св. Теодоръ писаль одно посланіе Папѣ Льву III. Ту онъ покладає такій титулъ:

.. „найверховнѣйшому Отцу Отцовъ“.

Дальше такъ пише: „Понеже Христостъ великому Петру съ ключами небесного царствія передалъ еще и достоинство пастирского настоятельства треба повѣдомити Петра, то есть его Наслѣдника о новотаріяхъ, якъ до Церкви запроваджують тіи, котрѣ не хотять ити дорогою правды, бо мы такъ научилися отъ нашихъ Отцовъ...“ Дальше пише:

„О, отъ всѣхъ головъ Пребожественна Голово! Собralся, скажу съ пророкомъ Ереміею, соборъ грѣшниковъ и соборъ прелюбодѣятелевъ...“

Дальше оповѣдае св. Теодоръ, якъ на семъ грѣшномъ соборѣ, о котромъ не повѣдомили Папу, проголосили епископы царскѣ, что прелюбочинськое вѣнчанье цѣсаря Константина съ Теодотою есть законнымъ. Дальше проголосили, что цѣсары не обовязанѣ отримовати законы Божіи, и что кождый епископъ стоїтъ надъ церковными законами.

Видячи такѣ страшнѣ дѣла св. Теодоръ пише Папѣ:

„Что мнѣ отже оставае иное, якъ послужитися тѣмъ самимъ словомъ, котрое Корифей (св. Петро) съ другими апостолами, высказалъ Христу на морю. Тіи слова управляю и я на твою святость, котра Христа наслѣдуе:

Спаси насъ, Архипастырю цѣлой поднебесной Церкви. Инакше мы пропали! Глянь на Христа, учителя своего, и подай руку нашей (восточной) Церкви, якъ Христостъ подаль Петрови...

Безъ твоей вѣдомости, якъ отъ давна было утвержденно, не могли бы (восточнѣ епископы) Православный соборъ созвати;... Съ страхомъ споминаю, о сколько нужнѣйше чтобы твое Прочелништво созвало законный соборъ. (Migne. сов. 1018. 143.).

б) Року 817. писаль св. Теодоръ и *Папѣ Пасхалу*, коли вѣра була въ небеспеченьствѣ задля іконоборства. „Чуй, апостолска голово, отъ Бога предпоставленій паstryрю Христовихъ овецъ, ключарю небесного царствія, каменю вѣры, на котромъ создана Церковь каѳолическа. — Ты бо еси Петръ, бо владѣешь Петровою Столицею... Прийди намъ на помочь съ Запада, Ты Христовъ наслѣдователю. Тебѣ Христосъ Богъ нашъ сказалъ: и ты нѣкогда обращая утверди братію твою... Подай намъ руку свою: Ты отъ Бога маешь власть первенствовати надъ всѣми“. (Migne сов. 1022. 143.).

в) Подобно пише св. Теодоръ въ другомъ посланію Папѣ Пасхалу.

Каже, что на Востоцѣ всѣ спознали, что Богъ еще не запустилъ восточной Церкви, понеже ей давае всегда помочь черезъ поодинокихъ Римскихъ Архиереевъ.

„Вы отъ початку быстрое и незагубленное жерело православной истины;

„Вы противъ каждой еретической бурѣ мирное и захороненное пристанище цѣлой Церкви“;

„Вы отъ Бога выбранѣ держава спасенія...“ (Migne сов. 1154—1155.).



Батюшко о. Нáзы не вѣруе, что Богъ сотворивъ для грѣшниковъ адъ (пекло) и буде ихъ тамъ мучити. Чтобы его удостовѣрити, что пекло не фигля, и что тамъ дѣйстно мученъ будуть такъ одніцѣ, котрѣ жіють розпустно, перемѣняютъ свою вѣру — приведу лишь нѣсколько мѣстъ изъ св. Писанія. Отъ:

Христосъ говорить о соблазни:

„Іще соблазняєтъ та рѣка твоя, отсѣчи ю; добрѣ тѣжъ есть бѣдникъ въ животѣ винти, ниже обѣ рѣцѣ имѹщѣ винти въ гееннахъ, въ огнѣ неогасающій. Идѣже червѣ ихъ не оумираетъ и огнь не оугасаетъ“. (Л. 9, 43. 44.)

Потомъ коли зновъ самъ Христосъ оповѣдае притчу о бѣдномъ Лазарѣ, поминае ся пекло сими словами:

„Оумре же богатый и погрешиша его и въ адѣ возведз очи свои сый въ мѣкахъ . . . такш спраждъ въ пламени сеѧ... (Л. 16, 22, 23.)

Но найвыразнѣйше и найяснѣйше говорить Христосъ о вѣчномъ пеклѣ и вѣчномъ осужденію въ Евангелію о страшномъ судѣ:

„Идите отъ мене прокламтіи въ огнь вѣчный, оуготованній дімволъ и ангеламъ его... И идуетъ сіи въ мѣкѣ вѣчнѣю... (Ме. 25, 41. 46.)

Айбо доста изъ доводовъ! Передъ кождымъ христіяниномъ явное, что есть пекло и суть пекельнѣ муки. Доста жаль, что

вы гаспадънъ батюшка сего не знаете або не хотите знати. Может что даколи узнаете, но тогда уже поздно буде. Не крутъ ся, не обѣцяйте 100 долларовъ, бо изъ пекла ни выкрутити ся, ни выкупити ся не можъ; изъ пекла лишь одnymъ способомъ можъ освободитися: щирымъ покаяніемъ и поверненіемъ въ истинну Христову церковъ. (б)

(Слѣдуючій вопросъ: Что Христосъ и апостолы учили крестити маленькихъ дѣтей и что водное крещеніе смыываетъ первородный грѣхъ.)

Церковь безъ единства. Первымъ знакомъ Христовой Церкви має быти единство въ вѣрѣ, въ науцѣ христіянской. Въ которой церкви сей единости не е, та церковь не може называть ся Христовою Церковю.

Такій недостатокъ единости и согласія въ вѣрѣ видиме въ схизматицкой церкви. У схизматиковъ каждый народъ має свою церковь, котрѣ Церкви съ собою не мають жадной связи; россійска церковь для Россіянъ, булгарска для Болгаръ, гречка для Грековъ, румунска для Румунъ. У насть церковь каѳолическа есть для всѣхъ народовъ; въ нашей церкви мѣсто мають Русины, Чехи, Мадяры, Нѣмцѣ, Французы, Поляки и всѣ инишѣ народы жіючѣ на цѣломъ свѣтѣ.

У схизматицкой церкви каждый народъ має своего церковного начальника, котрѣ меже собою ничимъ не связанѣ. На чолѣ россійской церкви стоить Московскій патріарха, на чолѣ гречкой синодъ въ Аѳинахъ, на чолѣ болгарской митрополитъ и т. д.

Недостатокъ единости указуе и то, что схизматицка церковь отколи отлучилася отъ вселенской (каѳолической) не созвала жадного собора. А въ нашей каѳолической церкви отъ розкола было уже 12 соборовъ. Ба якъ могли бы они совѣщати ся на соборѣ, коли у нихъ не только въ церковномъ управлению, но и въ самой вѣрѣ находить ся велика разница. На примѣръ: Гречкій, Царьгородскій патріярхъ отлучивъ отъ Восточной церкви г. 1872 булгарску церковь; россійска церковь на се пристала, хотя еї не узнае еретичною. Яка то путаница! Изъ одной частигодить ся на отлученіе, а изъ другой же заявляе, что не е причины про что еї отлучити. Або на яку единость указуе то, что если ктось изъ лутеранской вѣры переступить на россійску православну, тогда не треба ему зновъ покреститися; но коли хоче на гречку православну перейти, мусить зновъ окреститися!

Изъ всей единости Восточной церкви лишь назва зостала: православный. Подъ православiemъ же може учити и вѣровати каждый что хоче. Оденъ патріархъ другого выключае, оденъ другого осуждае о ереси, оденъ научае совсѣмъ противну науку другому а то ничъ, головно чтобы были всѣ „православнѣ“. Дивна мѣшанина тата Восточна церковь! Якъ колись про гордость людскую покаравъ Богъ родъ человѣческій въ Бабель помѣшаніемъ языка, такъ карає и теперь *несогласiemъ и незгодою* схизматиковъ за гордость Фотія и Керулларія.

Въ одномъ ческомъ часописѣ подъ заглавiemъ: „Vice odrouštějicí lásky“ находять ся нарѣканія на „Благовѣстникъ“ и наши выражы что до батюшокъ схизматицкихъ считаетъ авторъ статью parrosto peripustnem.

Для объясненія нашихъ сихъ выражовъ осмѣляеме ся подати такъ информаціи:

1. Мы николи не обезчестили саму гр. восточну православну вѣру; мы навѣть дуже рѣдко коли называеме вѣру россіян вѣрою „схизматицкою“. Но на вѣру нашихъ отступниковъ, котра есть самый большевизмъ и безрелигійность, не можеме называть православною; тымъ менше, бо мы себе — на основѣ богослужебныхъ книгъ — именуеме и держиме православными. Скрытый религійный большевизмъ и безбожіе не можеме самою тою назвою украшати, якъ нашу чисту православну — каѳолическу вѣру.

2. Мы бориме ся за спасеніе нашихъ русиновъ, которыхъ въ душевну пропасть запроваджують тутешнѣ (а не изъ Россіи приходящѣ) батюшки. Мы мусиме противъ нихъ ити, если хотиме спасти душу нашихъ вѣрниковъ; мы мусиме зорвати ихъ авторитетъ и ихъ вплывъ на нашъ народъ. Благовѣстникъ склоняе пропадаючій народъ, его не понижаетъ, лишь ихъ грѣшныхъ вождовъ хоче отбити отъ предводительства.

3. А на се батюшки повно заслужнѣ. Бо у насъ кождый знае, что схизматицкѣ батюшки суть безъ жадного образованія. Гусопаси, кондаши, мурники, роботники, пройдисвѣты, выверженѣ препарандисты были покропленѣ за „священниковъ“. А коли мы сѣ факты выпишеме въ душевномъ интересѣ нашего ѡарода, тогды вы се называете parrosto peripustnem. Мы въ интересѣ душеспасенія нашего ѡарода, чтобы ихъ очи отворити, публикуеме „дѣла“ сихъ темныхъ одиниць, что они роблять, якъ они обманюютъ народъ, якъ грѣшно жіютъ и якѣ соблазни роблять — изъ которыхъ еще и едно не было опровержено — а вы тогды кажете, что сесѣ дѣла суть „výmysli spolupracovníků“. (О ихъ безморальномъ животѣ еще и слова не писали!) Се не вымыслы, но на жаль, чиста правда, что знае туй кождый обыватель. Мы не противъ вѣры боримеся, но противъ безвѣрія, что кръеся подъ православіемъ, котрого представителями суть обманителѣ-батюшки.

4) А на то ци думаете, сколько слезъ, ранна смерть, матеріальна шкода прилѣпляєся до „дѣйствія“ тыхъ батюшокъ, которыхъ вы такъ оброняете?! Сколько разъ случилося — не хотѣли сме выписать, чтобы наши не упадали духомъ, не настрашили ся — что „православный“ ѡарод ночію вломився на фару, напали биткою на священника, — кажѣмъ на отца, на матерь того spolupracovnika, — такъ, что онъ черезъ окно мусѣвъ утѣктти, або застрѣлили въ окно, камѣньомъ голову завалили, бомбу метали за нимъ и т. д., которыхъ свинствъ лишь 10-а часть выписана въ Благовѣстнику. Сколько разъ „сѣ ве-

ликою любовю" перенятый народъ запаливъ хижу нашихъ ревныхъ вѣрниковъ, въ колодязь нафту налляли, на полусмерть побили, божилися ложно противъ нихъ, выключили ихъ изъ каждого сельского товариства и завдали имъ только терпѣнїй, якъ коли первыхъ христіянъ мучили погане. Вы ся чудуете, что мы противъ нихъ явно высупиме, противъ сихъ слугъ діявольскихъ? Прійдѣть лишь на одень тыжденъ на Подк. Русь и увидите что туй значить православie!

Изъ далеку легко судити, айбо если бы вы туй жили меже нами, если бы вы чули оповѣданя тыхъ мучениковъ, котръ съ окровавленнымъ тѣломъ, глубокими ранами разказують вамъ, что терплять отъ „богобойныхъ“ православныхъ, тогды и вы иншакъ будете судити. Благовѣстникъ мае велику заслугу, что укаже на сесь темнѣ беззаконности тутешного большевицкого православія и симъ заслуживъ уже до теперъ повну симпатію христіянскаго свѣта. (б)

Най судять читатели! Подъ симъ заглавiemъ одна пряшовска руська газета такъ пише о галицкихъ москвофильскихъ агитаторахъ:

Послѣ великого свѣтового переворота появились между нами люди изъ Галиціи, котръ въ найтяжшихъ временахъ своего галицкого народа оставили своихъ братьевъ и пріютлились между нами; просили насъ, чтобы мы приняли ихъ за своихъ. Они то обѣцали, что хотять роботати между нами въ пользу подкарпатскаго руського народа: обѣцали свои силы жертвовати укрѣплению, соединенію нашого народа.

Мы ихъ съ любовью приняли и были имъ на помощь, мы ихъ допомогли къ фалатку хлѣба; вѣдь и они и мы: сыны руського народа.

Группа тѣхъ людей заложила въ Ужгородѣ газету „Русская Земля“. Якъ сія газета въ Ужгородѣ зачинала выходити, мы видѣли, что она русска: мы подпоровали ю.

Но мы теперъ видиме, что наши галицки гости свои обѣцанія не додержали; мы видиме, что они мѣсто того, чтобы спокойно и въ согласіи работали въ интересѣ единства нашего народа: *расколъ, ненависть съютъ на нашей землѣ.*

Послѣдное, 24. число газеты „Русская Земля“ безосновно нападываетъ на „нѣкоторыхъ уніатскихъ священниковъ“ на Ма-Маковицѣ, котръ „думаютъ, что удастся имъ спсти умирающу татъ унію, которой скоро заспѣваютъ „вѣчная память“, и то не только на Маковицѣ, но и во всей Пряшевской Руси“.

Най судять наши читатели, най судить весь нашъ руській народъ отъ Попрада ажъ до Тисы: что то за люди тѣ галичане-росіяне, которыхъ мы съ любовю допустили въ наше народне гнѣздо, а которы теперъ между нами фальшивыми пророчествами бурятъ, ненависть съютъ между нашъ народъ во своей газетѣ, которую бесплатно посылаютъ въ наши соломянѣ стрѣхи?

Совсѣмъ такъ было въ сказкѣ Толстого „Ежъ и ужъ“. Ужъ (гадъ) просився до гнѣзда Іжа. Іжъ смиловался надъ га-

домъ и когда гадъ загнѣздился подъ кужой стрѣхой, не пустиль ежа до собственного гнѣзда и сказалъ ему: иди вонъ, гнѣздо про тебе пропало, можешь му заспѣвати „вѣчная память!“.

То не духъ Духновича, Павловича, Попрадова! То не та руська любовь которую мы бы желали между собою! Наши умерши народны вожди: Балудянскій, Кралицкій, Духновичъ, Павловичъ, Уріль Метеоръ, Владіміръ и всѣ-всѣ — тѣ наши блестячи, вѣчны звѣзды — бы въ гробѣ обернулися, — еслибы видѣли, что дѣлаютъ сіи наши братья, на нашей милой землѣ.

Вы, панове отъ „Русской Земли“ пишете „о русской культурѣ“, о Пушкинѣ и его юбileяхъ и бунтуете согласie между нами, между потомками Духновича.

Не чудуйтесь вы, господа „Русской Земли“, если слѣдствіемъ вашої манѣры и бунтованія и нашъ добродушный селяни и наша интеллигенція съ недовѣріемъ и съ отвращеніемъ смотрить про васъ на каждого галицкого и россійского чужинца.


Нѣть, нѣть! Ваше пророчество не исполнится! Можетъ умерти „Русская Земля“, умрутъ и гады-бунтовщики, але та наша руська каѳолическа св. Мати-Церковь, которой сынами были всѣ-всѣ наши поеты, писатели, будители и которую нашу каѳ. руську Церковь одобряла и исторія нашего народа, на вѣки процвѣтати будетъ между нашимъ народомъ. Мы знаемъ, что теперь вы велику бурку робите. Господа! Буря пройдетъ; нѣсколько сухихъ конариковъ увидиме на землѣ а наша руська каѳ. св. Мати-Церковь укрѣпленою, и еще въ большой славѣ будетъ блестати подъ синимъ небомъ нашего подкарпатскаго руського народа.

З.

100 лѣтна греко-католическа церковь въ селѣ Руськое года 1922. перейшла насильственнымъ способомъ въ руки шизматицкихъ батюшокъ. За 100 роковъ щира, правдива молитва подносилася до престола Всемогущого, а днесъ та церковь стала огнищемъ схизмы, мѣстомъ соблазни для всѣхъ богобойныхъ христіянъ. Где колись Христова жертва черезъ посвященѣ особы приносилася Всевышному, тамъ теперь всякѣ — Богъ знае зводки походячѣ — одиницѣ кончать свои церемоніи. Церковь, которую основали греко-каѳолики, которымъ о схизмѣ и не снилося — мусить терпѣти, что въ ней правдиву Христову науку понижаютъ и подборюють народъ противъ вѣры самыхъ основателей того храма Божого.

Бо дѣло въ дѣйстности такъ стоять, что схизматики у насъ жадну церковь не будовали. Они будовати не хотять, лиш противъ всякихъ Божихъ и людскихъ законовъ наши церкви насильственно забирати! Ба где ихъ совѣсть, где ихъ честь въ *краденыхъ* церквахъ Бога найсправедливѣйшого судю пѣснями выхваляти?! Не помиляйтесь братя схизматики, ваши молитвы, ваши отправы, ваши жертвы передъ Богомъ суть до неба воплючими грѣхами, бо Богъ — хоть якимъ повнымъ горломъ буде кричати — не згодиться николи на вашу кражу и без-

законія! А ты церкве Руцянска не стыдайся, что такъ одици оскверяють твой престоль, прїде часъ, что ты 100 лѣтний храме Божій станешъ зновъ домомъ молитвы и огнищемъ правдивой Христовой вѣры. (б).



Горѣ имѣмъ сердца!

Написавъ: Іоанъ Мацковъ.

Господь съ тобою скорбящій мой брате,
Кто-бъ ты не бывъ, не падай душою!
Най зло и неправда безкарно царять
Надъ змытою слезами землею,
Най допчуть безкарно святый идеаль
И цѣдять невинную кровь;
Ты вѣрь, надойде пора и згине Ваал
И вернєся на землю любовь!

Не въ терновомъ вѣнцѣ, ни въ бряску мечей,
Не въ лахахъ на згорбленыхъ плечахъ,
Въ міръ прїде она въ силѣ и славѣ своей,
Съ яснымъ сонцемъ счастья въ рукахъ.
И не буде на свѣтѣ нѣ слезъ нѣ журбы,
Нѣ безкрестныхъ могиль нѣ рабовъ,
Нѣ нужды безпросвѣтной, чорної товпы,
Нѣ войны, нѣ смертельнихъ враговъ.

О, брате! то не сонъ, не пуста надѣя все,
Не зъ луда для людей слабого духа,
Оглянись! Зло въ свѣтѣ черезъ верхъ уже тече,
Задовго тревае ночь темна и глуха,
Свѣтъ насытиться зломъ, знemожесь отъ злобы,
Утомиться безумною борбою.
И поднесе очи горѣ, на небеснѣ зводы,
И затужить за вѣрою, миромъ и любвою.

Не пести дѣтину свою!

(Изъ житя народа).

Въ одномъ селѣ бывавъ Иванъ Колесарь съ женою. Мали свой телечокъ, мали едного хлопчика Андрія, и такъ было на кого робити.

Но еденъ день пакъ Иванъ Колесарь на только похворѣвся что мусѣли къ нему священика покликати. Якъ ся высловѣдавъ, такими словами обернувшись къ своей женѣ:

— Богъ просить отъ мене рахунокъ. та мушу ити. Мѣркуй жено на себе, та на дѣтвака. Годуй его такъ, чтобы добрый и послушный бывъ.

И по тому Иванъ газда у малый часъ умеръ.

Вдовица сама обсталла на великомъ газдовствѣ съ малымъ Андрейомъ. Но такъ ся видитъ, что не дуже слухала на пораду мужа, бо хлопчика дуже разпестила. И такъ хлопчикъ, коли уже десять годовъ мавъ, та на тогда въ немъ уже дуже укрѣпилися злѣ наклонности.

Въ школѣ все безрядивъ, а если учитель мало 'го прутомъ пошвакавъ, тогда сама мати бѣгла, чтобы Андрея изясь такъ не бити, бо може ему похибити. Професоръ казавъ ей, что еще горько буде она то жаловати колись, что за сына такъ заступала, бо дѣтину пестити не свободно.

Такъ ся и стало.

Коли Андрей Колесарь достигъ осемнадцатый годъ, та все токмо въ корчмѣ сидѣвъ и размѣтовавъ грошъ.

Еденъ день пакъ стрѣчавъ трехъ ги пановъ въ корчмѣ, которѣ бавилися и играли на карты. Андрей почавъ призиратися и якъ видѣвъ, что якъ легко можъ на картахъ грошей выиграти, попросивъ ихъ чтобы и его научили играть.

Они пристали и взяли Андрея за четвертого меже себе. Спереже лишали, чтобы Андрей выигравъ. Но на конци Андрей убачивъ, ожъ онъ всѣ гроши стративъ на картахъ.

Волоцюги по тому собралися и Андрея лишили, но еднако и якъ дарунокъ лишили ему карты.

— Можешь выиграти и отъ другого грошъ — казали они — который въ насть стративъ есь.

Андрей по тому все и все въ корчмѣ сидѣвъ и чекавъ, кто прїде съ нимъ на карты играть.

Небога мати, дома доста плакала, ожъ такого подлого сына выгодовала себѣ. Самъ правій на Русаля сталося, что коли люде до церкви ишли, мати Андрея страшно плакала. Позвѣдалися отъ ней, что плаче?

— Разбивъ сынъ шафарню и укравъ всѣ гроши — говорила она. А коли 'мъ кричала на него за то, та еще и бити мя хотѣвъ.

Уже не знала где ся дѣти. Ночію не спала про своего сына. Все и все на томъ ломала голову, ожъ якъ бы можъ Андрея полѣпшити.

Наконецъ досудила, что оженить 'го; може, что добра жона еще человѣка може изъ него справити. Но изъ села и една дѣвка не хотѣла пойти за такого подлого человѣка. Му-сѣли они до' сосѣдного села ити, и тамъ ледва нашли дѣвку, котра отдалася за него.

По свадьбѣ мати отыхнула: .

— Хвала Богу, уже хоть спокойно умру, бо сынъ уже не буде такій, якъ бывъ спереже.

И за малый часъ такъ ся и стало. Андрей ходивъ робити на поле и кончивъ свою работу порядочно онъ до жнива. По жнивѣ нанявъ людей, чтобы молотити. И то скончилося въ ряду.

На другій день Андрей наклавъ зерна на возъ и рушився до города продати зерно.

Зерно дуже файно заплатили и якъ онъ почувъ коло себе грошѣ, та чортъ его просто до корчмы понесъ.

Тамъ было доста такихъ, котрѣ играли на карты. Андрей якъ мало выпивъ, мусѣвъ меже нихъ сѣсти. А на вечеръ правій только грошай ему зосталося, что могъ выплатити корчмаря.

Якъ мати сего дозналася, видѣла, что изъ сына не буде никда справедливый человѣкъ. Изъ дня на день плакала, а уже лишь смерть свою чекала, котра необавцѣ и пр旣шла. Но сынъ еще и тогда не оставивъ свое грѣшное житя.

Андрей помало попродававъ худобу, возъ, коївъ, еще и курки пойшли на картах

На конецъ пришла лицитація и телекъ продали жидамъ. Но онъ еще и тогда не хотѣвъ животъ свой полѣпшати, и зачавъ пити такъ, что остатъный пяница стався изъ Андрея.

Разъ пакъ правій на святый вечеръ, коли май студено было, изъ корчмы вывергли его до снѣгу, где онъ заспавъ. На рано онъ тамъ и замерзъ. Жона съ еднымъ малымъ дѣтвакомъ пошла на жебраня.

Кождый человѣкъ такъ походитъ, если родичъ дуже пестять его, бо такому робити никда не хощется.

*

Ангель Хранитель.

Одного разу одbyвала Пречиста Дѣва Марія зъ маленькимъ Іисусомъ далеку подорожь.

Змучена дорогою, задержалася Дѣва Марія надъ берегомъ рѣки, чтобы одпочати. Накормила напередъ маленьку дитину, однакъ сама зъѣла шматочокъ хлѣба, и коли маленький Іисусъ зачавъ ручками терти очка, поклала его спати подъ крѣслатое фѣгове дерево, на зелену мураву. Заледви дитятко притулило свою головку до пахучої, шовкової травицѣ, такъ заразъ сонъ склеивъ повѣки и дитя твердо заснуло. Видячи то Пречиста Дѣва также положилася до супочинку.

Спали такъ досить довго. За пару годинъ доперва якась мушка закралась на тѣло дитинки и перервала солодкій сонъ

маленького Іисуса. Пробудилось Боже дитя и стало проходжуватись понад рѣчку.

Пречиста Дѣва Марія змучена далекою дорогою спала твердымъ сномъ и не видѣла, что дитина одийшла одъ неї. Маленькому Іисусови подобалася дуже пливиуча вода въ рѣчцѣ. Иде стежечкою Іисусъ, а за хвилинку станув на серединѣ вузонької кладки, что была переложена черезъ ту рѣчку. Оденъ крокъ только выстарчивъ бы, абы стратити ровновагу и упасти до быстрого потока та знайти въ немъ смерть на мѣстѣ. Малый Іисусъ, яко недосвѣдчена дитина, не знавъ что ему грозило, иде кладкою и задержався надъ найбльшою глубиною, та приглядався цѣкаво маленькимъ рыбкамъ, что весело гравися въ чистої водѣ рѣки.

Побачивъ то зъ неба Господь Богъ и сказавъ до Архангела:

— Ци видиши, что тамъ дѣєся?

И въ одной хвилѣ зъ високого неба злетѣвъ Ангель, який уявивъ дитину за ручку и поволи привювъ стежкою до мамы, сплячої спокойно на муравѣ.

Пробудилася Пречиста Дѣва Марія и нѣчого о томъ не знала, бо Ангель Хранитель уже зникъ.

Познѣйше, коли Іисусъ Христосъ по своемъ Вознесеню вступивъ до неба, такъ Ангели оповѣли Ему цѣлу ту пригоду и на памятку того выпадку Спаситель свѣта постановивъ, чтобы кожда дитина на свѣтѣ мала свого Ангела Хранителя, котрый бы день и ночь стерѣгъ дѣтину одъ всякого лиха и нещастя.

Одного разу станула передъ трономъ Божимъ въ небѣ одна заплакана мати и почала жаловатись передъ Господомъ Богомъ, кажучи:

— Боже! Чому то я сама померла, а тамъ на земли мусѣlamъ зоставити безрадну сироту, боюся страшно, чтобы тамъ моей дѣтинѣ не сталося якое нещастье...

Тодѣ Іисусъ Христосъ показавъ ей зъ горы, якъ то на земли при боку еи дитини сторожить неодступно Ангель Хранитель зосланый изъ неба дѣтинѣ-сиротѣ.

Заспокоилася тымъ бѣдна женщина, але по хвили, коли уже мала одходити, зновъ звернулася еще разъ до Іисуса и сказала:

— За мого житя я берегла моей дѣтины якъ ока въ головѣ и здаєся менѣ, что оно теперь згине безъ мене. Господи мой, ци не могла бы я просити Тебе Боже, чтобы менѣ було вольно и теперь по смерти заступити мѣсто Ангела Хранителя и самої стерегчи свою сиротку?

Згодився Іисусъ Христосъ на то и розпорядивъ такъ, что одъ того часу Ангеломъ Хранителемъ кождої сироты есть власна єї померша мамка, духъ котрої не опускає дѣтины ни на хвилю, лишь стереже одъ всього злого на кождомъ кроцѣ.

Миссії О. О. Василіянъ въ Мукачевской и Пряшевской епархіяхъ.

I. Отъ 24. V.—29. V. 1924 р. отбылася миссія въ Чорномъ Ардовѣ епарх. Мукачевской. Давали єѣ: о. *Поликарп Булик*, игуменъ мукачевского монастыря и оо. *Павло Гайдичъ та Стефанъ Решетило*. Чорный Ардовъ вправдѣ еще — Богу дяковати — не доткнутый заразою схизмы, но соєдуе онъ съ околицею обнятою схизмою. Тому то дуже мудро зробивъ мѣсцевый ревный и дбайливый о добро повѣреныхъ собѣ вѣрныхъ душпаstryръ, Впр. о. *Александеръ Янковичъ*, что до своеї парохіи возвавъ миссіонаровъ желаючи, чтобы не только его вѣрники, але и другу съ сусѣднихъ парохій взяли участь у св. миссії и утвердилися въ вѣрѣ святой, та любовію злучилися зъ Божественнымъ Спасителемъ и св. Матерію Церковою каѳолическою. Въ той цѣли подготовивъ своихъ вѣрниковъ до св. миссії, та завчасу повѣдомивъ своихъ сусѣдовъ душпаstryрей, чтобы у себе оголосили, что въ Ардовѣ одбудеся миссія, та чтобы сами прійшли с помочію духовною на часъ миссії. На жаль деяки душпаstryрѣ оказали такъ много недбалости, та нерозумѣнія такого дѣла, якимъ е для народа миссія, что не лишь сами не прибыли съ духовною помочію, але навѣть не зволили у себе оголосити людямъ, что въ близькомъ Ардовѣ миссія буде кончитися. Не дивоватися, что при такомъ недбальствѣ деякихъ нерадивыхъ пароховъ схизма шириться зъ кождымъ днемъ и одривае души отъ св. Христової Церкви! Зато поднести належить съ радостю и съ узнаніемъ велику печалivость и заинтересованіе съ св. миссією Впр. отца намѣстника *Івана Азарія*, сасфаловскаго пароха, который кождого дня майже приходивъ до Ардова, своихъ вѣрныхъ заохочовавъ и приводивъ на миссію и возвавъ до Сасфалова одного изъ миссіонаровъ, чтобы и тѣ, котры изза старости не могли прійти до Ардова, могли почути слово Божое и высловѣдатися, а на осьнь разомъ съ своими вѣрниками запросивъ оо. Миссіонаровъ до себе на миссію. Завдяки старанямъ мѣстного отца душпаstryя и отца намѣстника народъ мимо пильной роботы въ полю приходивъ на мѣссійнѣ наукi, бравъ ихъ до серця и численно сповѣдався и причащався. Запричащалося всѣхъ около 1400 особъ. Найчисленнѣйше зобралися люди зъ цѣлой ококици въ послѣдний день миссії, котра закончилося торжественнымъ посвяченіемъ и закопаніемъ здорового дубового креста на споминъ одконченой миссії. Съ слезами въ очахъ прощавъ народъ виедно съ своимъ душпаstryремъ оо. Миссіонаровъ заявляючи готовость стояти крѣпко при Іисусѣ Христѣ и св. Его Церкви. Давбы Богъ, чтобы цѣла збаламученя Мараморошина скоро осталася зорана св. миссіями, засѣяна зерномъ Божої правды и обновленія въ Христѣ Іисусѣ.

II. Въ пряшевской епархії, въ Уйварошѣ коло Саланцу, урядивъ о. *Стефанъ Цѣли (Cilli)* мѣстный парохъ въ дняхъ

отъ 7. VI. до 10. VI. 1924 р. тридневу миссію для своихъ вѣрниковъ подъ проводомъ реформованихъ отцовъ Василіянъ а се: *oo. Павла Гайдича и Стефана Решетила*. Уйварошъ виедно съ прилучеными селами а особливо Кальшою, числит поверхъ 600 душъ греко-каѳолического обряда и дачто менше римо католиковъ. Тѣ послѣднѣѣ своей церкви въ селѣ не мають, та зато ходять на богослуженіе до нашихъ церквей. Однѣ и другѣ говорять по словацки. Хотяй недавними лѣтами одбылися у нихъ миссіи, мимо сего всѣ радо спѣшили на миссії проповѣди, котрыхъ каждого дня было по четыри. Ажъ сердце радовалося, якъ вѣрнѣ обохъ обрядовъ горнулися до св. сповѣди и св. причащенія. За стараніемъ дуже ревного душпастыря, Впр. *отца совѣтника Цѣли* у згаданой парохіи на причудъ гарно розвиненое почитаніе Пресвятой Евхаристії. Народъ розумѣе, якого великого гостя мають они у себе въ НН. Тайнѣ Евхаристії, тому часто горнеся до св. Причастія и черпає тѣ небеснѣ скарбы, что крываються у Пресв. Христовомъ Серцю. Особливо ударяе надзвычайна чистота тамошныхъ обох церквей такъ матерной, якъ дочерной. Олтары красно пристроенѣ, обрусы, ручнички, илітони и ризы чистенькѣ, чаши въ порядку удержанѣ, се все знакъ, что тамошній народъ почитає и любить Господа Іисуса, присутнаго въ Пресв. Евхаристії. Честь такимъ щирымъ и горячимъ почитателямъ и любителямъ Евхаристійного Христа!! Надзвычайно зворушающее устроили тамошнѣ вѣрники прашаніе Отцамъ Миссіонарамъ заявляючи имъ тымъ свою дяку за трудъ и працу. Численно зображенѣ отпроваджовали они съ процесцію миссіонаровъ спѣваючи подорожнѣ побожнѣ пѣсни ажъ за село, та отримавши отъ нихъ послѣднє благословеніе плачуши вертали дому и просили, чтобы еще коли заглянули въ ихъ село съятели Божого слова.

Knowing

Из житя. Мрачный быв день. Густа мрака покривае мѣсто, дробный дождь падае. Иду головною улицею. Под одним домом скулившся обдертый чоловѣк. Лиця его блѣдѣ и запалѣ, тѣло сухое — скура и кости. Трясеся из зимна, а руку простягае благально до прогожих. Не просить, не кричить, та очи его молять вмѣсто уст. Но прохожи не журяться. Таки нѣкто с того множества народа не з миловавсь над ным. Хоть 25 гелеров! Але и то нѣ. Кто бы еще и на убогих дивився? — Нараз паде мой погляд на 5-рочну дитину. Она боса, нужденно одѣта, вѣрный образ тамтого бѣдака. У сухенькой ручки моцно тримае яблоко. Радостно глядить на него. Здается, хоче его зѣсти, але знова надумуеся и стримуеся. Вконци рѣшаеся и простягае

руку. Хоче вкусити яблоко. Але нараз увидѣла того жебрака. Оглянулася. Нихто не дає ему ничего. Дитина спускає ручку, зближається до жебрака и дає ему свое яблоко.

А до кого мы подобнѣ? Недобрим прохожим, ци милосердной дитинѣ? Читателю! Памятайме на слова Божи: „Ръка дающаго не осквдѣтъ“. Робме як найболше милостию до души и тѣла ближных наших! Господь нам то поверне сторицею.

Молитва в театрѣ. В житю славного епископа з Регенсбурга, Сайлера († 1832), читаеме такое: В часѣ коли, он быв професором теологіи, удався раз до Kaufbeuren в Баварії. Тут уряджено в его честь театральное представленье. Поднялась завѣса и на сценѣ указалася дѣвчинка, котра мала зачати. В той хвилѣ задзвонили в сусѣдной церкви на „Ангел Господень“. Дѣвчатко, мѣсто зачати свою ролю, обернулося до публики и спокойно запитало: Ци не моглибы мы вперед поздоровити Преч. Дѣву? И не чекаючи на одповѣдь, дитя клякнуло, перехрестилося и перед всѣми одмовило наголос „Ангел Господень“. Цѣла саля безсоннѣву разом с нею клячучи молилась.

Побожность, одвага и розум дѣвчати глубоко зворушила всѣх присутных. Самому Сайлери становили слези в очах. Потом дѣвчинка прегарно одограла свою ролю, всѣ громко плескали. На конци представлениѧ запросив ю Сайлер до себе, щобы дати нагороду и сказав: Ты дѣвчинко прекрасно одограла свою ролю. Але еще красше и одважнѣйше ты визнала свою вѣру а всѣм дала прегарный примѣр. Остань все така, а Бог буде с тобою и будеш на вѣки щастлива. Добрий приклад чудеса робить.

Люби свои кресты, котрѣ тобѣ Бог дає! Медіоланский епископ, св. Амбросій († 397.) ишов раз по своей роботѣ до Риму. На подорожи треба были ночевати, бо не было еще желѣзници, як тепер. На ночь ступив святий епископ до дому одного богатого чоловѣка недалеко от Фіоренци. Амбросій хотѣв ту отпочати и набрати силы на дальшу подорожь. Пан принял дуже сердечно гостя. Святий епископ започав як звичайно бесѣду о духовных рѣчах. Говорили много о терпѣнію, что Бог припускає на людей. Св. Амбросій говорив о том, як Бог дає много терпѣнія тым, корых любить и як можеме надѣятися, что будеме спасенѣ лишень тогда, если терпеливо знoscиме свои кресты. На то сказав домашний пан, что он того не може вѣрити и что он у житю своим не мав еще жадного терпѣння.

Святий Амбросій на то станув, красно подяковав панови за гостепріимство и започався приготовляти на дальшу нодорожь. Своим людям, котрѣ его провадили сказав: „Скоро запакуйте рѣчи! Я боюся зостати в том дому. Ту нѣт крестов. Для того и Бог не любить сего дому“.

Читатель! Зносить терпеливо свои кресты и просить Господа о помоч, что бысте могли вытрамати до конца у зношенню своих крестов.

Наслѣдуйте приклад Господа Іисуса Христа в загородѣ гോеманской, который подчас страшных терпѣнь говорив:

„Отче, наї вѣде не мож, але твом вола“.

„Да вѣдетъ воля твоя“.

Без вѣры не е чесного житя. На старѣ лѣта славного короля Фридриха II. ширилася т. зв. модерна культура, а с нею что раз больше тратилася правдива вѣра. Ту „модерну культуру“ найбольше подпомагали дѣла французского писателя Voltaire-a, который быв любимцем и великим пріятелем короля Фридриха. Через его книги много отруѣ (трутины) выйшло в народ. А чим больше люди тратили вѣру, тим болгше ширилася и неморалность, крадѣжъ, забиванье и т. д. Люди чтораз меньше уважали на то, что мое, а что твое. Одного дня запросив до себе Фридрих одного от своих министров и сказав ему: „Так дальше не може бути! Або повернѣть мої землї вѣру, або забирайтесь до чорта“! И днесъ мы видиме, як и тепер иде у державах, по мѣстах и по селах. Чому? Бо и тепер многѣ урядники держави, и всѣлякѣ панове а особливо жидовскѣ новини высмѣвають святу вѣру, священство и Церковь и баламутять народ.

Читатель „Благовѣстника“! Хороньте свою святу вѣру як найдороцѣнѣйшу рѣчъ. Не читайте жидовскѣ, схизматическѣ и другѣ злѣ новинки!

Читайтe и розширюйтe добрѣ руськѣ новинки!

НОВОСТИ

— **Памятайтe!** Пять роков тому, что якѣсь безбожнѣ особы одѣти въ чеську военску. одежду, вломилися въ домъ священника о. Александра Яцковаича, доманинскаго душпаstryя и безъ жадного процессу, якъ послѣднього пса, сего святого живота слугу Божаго на дозрѣ забили. Сей злочинъ отбывся явно, передъ обывателями села — а однакожъ урядова власть „не могла“ выслѣдити злочинцов... Память сего злочина мае загрѣти наше сердце глубокимъ

огорченiem противъ тыхъ безбожниковъ, котрѣ сего невинного апостола Христоваго слова такимъ нелюдскимъ способомъ умертвили, его смерть мае быти пятномъ Капоскимъ на чолвѣ катовъ котрѣ и теперъ свободно ходять и безкарно продовжаютъ свої безбожнѣ дѣйствiя. Протестуеме... Айбо лишѣмъ! Что стоить нашъ протестъ, коли еще одного креста не поставили сме на то мѣсто, где пострадавъ Христовъ мученикъ отъ рукъ безбожниковъ!

— **Упокоився.** Петро Васковъ В.-Вызницкій церковный пѣвецъ упокоився, оставивше по собѣ вдову и 8-меро сиротъ. Покойный всегда щирым русиномъ и однымъ изъ найотличнѣйшихъ церк. пѣвцов бывъ. Моши его въ Цынтари при В. Вызницкой церкви похороненъ. Вѣчная ему память !

— **Даруйте на обновление храма Божого Бенедековскаго !** Въ наслѣдокъ одго нещастя запалила ся церковь Бенедековска и одна часть иконостаса згорѣла. Обновление иконостаса уже из того огляду было бы дуже желательнос, бо село Бенедековцѣ цѣлком обнятое схизматицкими селами и всегда ревно противостояло всяkimъ искушеніямъ схизматицкимъ. Най прибѣгає каждый ревный гр. каѳ. и своею помочею сей крѣпковѣрной громадѣ ! До теперь даровали :

Епархіальна касса	350 Кч.
Іван Гебей	10 "
о. Ем. Бокшай, редактор	50 "
Епископ. собор. церковь	100 "
о. Александр Ильницкій	20 "
о. Стефан Ильницкій	10 "
Павел Дорич	20 "
о. Евгений Уйгелій	20 "
Іосиф Бокшай	10 "
Подкарпатскій Банк	100 "
<hr/>	
Разом	690 Кч.

Господи благослови люблящія благолѣпіе дому твоего !

— До редакціи засланѣ книжки и часописи : *Сельскій театръ*. Подручникъ для сельскихъ театральныхъ кружковъ. Цѣна 5 Кч. *Гасильна дружина*. Написавъ Иванъ Вислоцкій. *Мисіонарь* ч. 7. *Apostolat sv. Cyrilla a Methodija* ч. 6. *Нива* ч. 4—5 и 6—7.

— **Посвященіе нового нашего епископа** преосв. Петра отбудеся по всей вѣроятности мѣсяця августа въ Мукачевскомъ монастырѣ оо. Василиянъ. Мукачевский монастырь бывъ мѣстопребываніемъ нашихъ давнѣйшихъ епископовъ, котрѣ только много трудились за благо и поднесеніе нашего русского народа. Сердце нашего епископа тягне на сіе мѣсто, изъ котрого выйшло духовное возрожденіе нашего народа, чтобы черпать одушевленіе и силу изъ приклада великихъ предковъ на нову и тяжку работу обновленія нашей милой епархіи.

— **На конкурсъ богослововъ** сего року зголосилося 12 особъ. Изъ сихъ 9-охъ пріяли на первый годъ, а трое якъ гімназисты продолжаютъ свої науки.

— **Восемсто сель безъ священниковъ.** Въ Сербіи естьоколо восемсто схизматицкихъ фаръ безъ священниковъ, хотя держава рочно больше якъ 6 миллионовъ динаровъ платить на богословскѣ семинаріи. Клерики радише идутъ за учителями, бо тамъ лѣпшу платню мають. Министеръ Яничъ, котрый такожъ есть посвященнымъ схизм. попомъ, выдавъ розпоряженіе по смыслу котрого не приймуть никого въ державну службу изъ богослововъ.

— **Возваніе.** Въ интернатъ гр. каѳ. Препарандії въ Пряшевѣ конкурсъ до 10-го августи оголошенъ. Прошенія на адрессу Эпархіального правительства нужно заслати.

Короткѣ вѣсти. Христіянскѣ роботники 19-го юлія мали импозантное собраніе въ Градецъ Карловъ. — Въ послѣдныхъ сѣмъ роковъ вернулося въ лоно каѳолич. Церкви въ Англіи 74.160 особъ. — Сего року всесвѣтный евхаристичный конгрес отбредеся въ Амстердамъ, мѣсяця августа.

ПЕРЕПИСКА РЕДАКЦІИ.

А. Я. Чорный Ардовъ. Все зробиме по вашой волѣ.

Руссное Слово Щирое „Спаси Богъ“ за смѣлѣ слова противъ бунтовниковъ-чужинцовъ.

Е. У. Ильниця. Батюшка-звонарь въ слѣдуючомъ числѣ.

НА ФОНДЪ БЛАГОВѢСТНИКА ДАРОВАЛИ:


Гр.-каѳ. вѣрники въ Калинахъ 25 кч.

СОДЕРЖАНІЕ.

ПОЗОРЪ НА ОГЕНЬ! — ВѢРА: § 11. Христосъ Бого-чоловѣкъ. — Др. Д. Нярадій еп.: ПЕРВЕНСТВО СВ. ПЕТРА НА ОСНОВѢ БОГОСЛУЖЕБНЫХЪ КНИГЪ. — ВЪ ЗАЩИТЪ ВѢРЫ: Батюшка о. Найду не вѣрує. Въ одномъ ческомъ часописѣ. Най судяшъ читателѣ. 100 лѣтна греко-католическа церковь. — БЕСѢДА: Горѣ имѣмъ сердца! Не пестри дѣтины свою! Ангелъ Хранитель. — ВСЯЧИНА. — НОВОСТИ. — КОРОТКѢ ВѢСТИ.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР
ЕМИЛІАН БОКШАЙ.



Число 1.

О. ЕМИЛІАНЪ БОКШАЙ

Цѣна 20 г.

НАВЕРНЕНИЕ СТЕФАНА А. ДЗУБАЯ,
американского схизматицкого епископа.

Редакція послала сю брошурку на кожду фару по 25 екз. Просиме ихъ розпродавати меже вѣрниками а бѣднимъ роздавати и даромъ.

Первое и единственное
дружественно подпрѣмство

„СОЛ“

свѣчкарня и воскарня в Космоносах заложено и ведено духовенством и лицами, допоручуе своє перворяднѣ выробы, церковнѣ свѣчки, каждого другу, восковѣ, половосковѣ, крашенѣ и луксусно здобенѣ, якож и столнѣ свѣчки всього другу, мыдло на праня и тоалетное, крим на обув, воск и крим на чищеня паркету. От духовенства купуеме пчолячий воск, отпадки из свѣчок, или вымѣнясме за свѣчки. Всому превелебному духовенству, сл. патронатным урядам, господарским дружествам, и всѣм католицким сполкам до ласкавоѣ вѣдомости под геслом:

„СВОЙ К СВОЙОМУ!“


JOSEF NEŠKUDLA

NOVÝ HRADEC KRÁLOVE Čs. R.

Посылае скоро за половину цѣну: Ризы,
стихары и всѣ потребнѣ одежи для гр. каѳ.
литургіи, заставы, иконы од акад. худож-
ников, чаши, олтарнѣ свѣчники, лсты,
кресты, одежи и проч. найдешевше.

— Коло новых обѣданьях скоро задарьмо поправлю старѣ одежи. —

КОГУТ и ГОРЕИ
УЖГОРОД, РАКОЦІЯ ул. ч. 11.



Много признань, похвальных листов и подяк. За
належите выполнене и милый звук звонов повна
запорука.
„СВОЙ ДО СВОГО“. „СВОЙ ДО СВОГО“.

ЦЕРКОВНѢ
ПРЕДМЕТЫ
як: кресты, свѣчники,
образы до ношения
и т. д.

ВЛАДИМИР КОГУТ



УЖГОРОД, РАКОЦІЯ ч. 11.

Принимае до золоченя нашѣ и
обновляє всякѣ ишѣ церковнѣ
предметы. Купуйте за тунѣ грошѣ
лем у рускоѣ фирмы.


В КНИГОПЕЧАТНЪ „УНО“

МОЖ ПОЛУЧИТИ СЛѢДУЮЧЪ КНИГИ:

	Кч.
1. Азбука Волошина	7.—
2. Читанка „ІІ. кл.	6·50
3. Аритметика Волошина І—ІІ. кл. 2 кор., ІІІ. кл. 2 кор. ІV. кл.	2·60
4. Методическая грамматика Волошина	5·—
5. Географія М. Григашія по русски и по мадярски	5·—
6. Малый катихизм	1·20
7. Средний „	3·—
8. Великий „	5·—
9. Мала біблія	3·—
10. Середна біблія	10·—
11. Наша правда в вѣрѣ от д-ра Ю. Гаджеги...	2·—
12. Прочто празновати недѣлю а не субботу от д-ра Ю. Гаджеги	3·—
13. Библейские вопросы с точки зренія восточ- ныхъ церквей	3·—
14. Вѣнец, стихотв. Павловича	18·60
15. Великий Зборник 40·—
16. Середный „ } и с латиникою 24·—
17. Малый „ }	15·—
18. Ангел Господен 6·—
19. Марія Повчанскій Паломник...	16·—
20. Пѣсемник, от директора промысловыхъ школ Ф. И. Шпалы	12·—
21. Рисованіе для дѣтей с русскимъ текстом ...	6·—
22. Рисованіе для дѣтей съ чешскимъ текстом ...	4·—
23. Рисованіе геометричное	15·—
24. Ручна праця в школѣ с чешскимъ или ма- дярскимъ текстом	16·50

В том состояніи есме, что всѣмъ заказующимъ через
48 годин можемъ почтовно провадити,

СУКНА А МОДНЪ МАТЕРИЯЛЫ,



шанскъ и дамскъ униформовъ, телихи,
церковнъ сукна, готовъ реверенды, сти-
хары и одежи продаются ся найтунше
по мустрѣ, котрѣ посылаемо на жадания.

Выробы сукон **HEZINA A SPOL** Humpolec
Повѣреный лиферант Церковного Товариства про Реп. Чсл.


БОЖЪ ГРОБЫ, СТАТУЪ

ВЫРОБЛЕНИЕ ИСКУСНОЕ ПОДІРІЕМСТВО

ŘEHNA A CHARVÁT

:- KUTNÁ HORA 515. ČЕЧНУ. :-

ZVONAŘSTVÍ



OKTAV WINTER Broumov ČSR.

Книгопечатня Акційного Товариства „Уніо“ в Ужгородѣ.